

Èkwo-ozì Ke Mbù, Pòlu Deru Nù Timoti

1 ¹Èkwo-ozì-a bẹ shì l'ẹka mbẹdua, bụ Pòlu; mbù mụbe onye-ishi-ozì Kéreshì Jizọsu. Ọo Chileke ono, bụ onye l'adzoje anyi; yee Kéreshì Jizọsu ono, bụ onye anyi ele ẹnya iya-a; bẹ zìru mu gẹ mu bụru onye-ishi-ozì ono. ²Onye mu ede ẹkwo-a anụ bụ gùbedua, bụ Timoti; onye bụwaa ọkpobe nwa mu; l'ekweta ono anyi kwetarù ono. Gẹ Chileke, bụ Nna; mẹ Nnajiuphu, bụ Kéreshì Jizọsu; meeru ngu eze-iphe-ọma; phàru ngu obu-imemini; mekwaphọ g'ẹhu dụ ngu guu.

Alọ ndu ẹjo-nzì ẹka lẹ nchì

³Sù-a; teke ono, mu eje Masedoniya bẹ mu sùkwaru ngu: jìko g'ì nọdue-kwapho lẹ Efesọsu k'ọphu ìi-harù alọ ndu ẹjo-nzì ẹka lẹ nchì g'ẹphe b'ẹ ezìhẹkwa iphe, abụdu ọkpobe-opfu. ⁴Ọphu ẹphe anọdujeshì akọ-phe mkpọkoro akọ-iphè ndu Jiu. Ọphu ẹphe agùshijeshì ndzepfu ndzepfu ẹpha ndiche; ẹpha ọphu ta abvùjedu abvùbvù. Ẹgube iphe ono bụepho ìgologoli bẹ ọokpa-lìje. O to yejeduru nemadzù ẹka g'o mee iphe, Chileke tùberu g'o mee; mbù iphe ono, anyi shì l'ozì-ọma, anyi kwetarù ono maru. ⁵Iphe, kparù iphe, mu gude nmaaru ngu ọkwa-a bụkwa gẹ ndu kẹ Kéreshì egude obu ìphóró yee nwibe phẹ obu; gude egomunggo phẹ maru iphe, gbaru phẹ l'ememe; kweta kẹ Chileke ọkpobe ekweta. ⁶Ọ duru ndu hawaru shiswee ọkpobe ọzo ono; woru iphu chee ichephu; shiwarọ nno wata epfuphe mkpọkoro opfu. ⁷Ndu ono bẹ ọogu ẹgu aburu ndu ezi ekemu Chileke l'ẹbe abù l'opfu, ẹphe epfu doru phẹ ẹnya; ọphu iphe ono, ẹphe epfushi opfu iya ike ono edokwaru phẹ phọ ẹnya.

⁸Anyìbedua g'anyi hakọta bẹ tùkokwaru machaarù l'ekemu Chileke bẹ dù ree mẹ a -nọdu emekwa iya g'ọ gbaru g'e meje iya. ⁹Ọle ọphu doru ẹnya bụ l'ọ tọ bụkwa ndu pfulèkoto bẹ a tù-doru ekemu ono. Ọ kwa ndu adarwù ekemu adarwù; mẹ ndu bụ ọ-kari-ẹka; tularu iya ndu anọduje akpọ Chileke ẹbo l'afù; mẹ ndu iphe-ẹjì; tularu iya ndu aduduru Chileke nsọ; mẹ ndu ono adudu iphe, bụ kẹ Chileke mẹ nanù duru ọphu ẹphe

eyeru nsọ ono; bya atọaru iya ndu egbuje nna phẹ mę ne phẹ; bya atọaru iya ndu mgbugbumadzu l'ophu. ¹⁰A turu iya doberu ndu arwuje urwuali; mę unwoke ejepfuje unwoke ibe phẹ; bya atọa ya doberu ndu apa nema-dzu l'oshi. A turu iya doberu ndu adzujẹ ọka mę ndu akpapyabeje iphe, ephe meru ria nte; bya atọa ya doberu iphe, bukpoonu eme iphe, abudu okpobe-opfu ono, e ziru unu ono. ¹¹Okpobe-opfu ono, e ziru unu ono be shikwa l'ozimoma ono, Jizosu Kereshi yeru mu l'eka ono. Ozi-oma ono bukwanuru ozimoma k'odu-biribiri Chileke ono, bu Chileke dukota ree bya edzukota oke l'ime onwiya ono.

Polu etu Chileke epha

¹²Mu etu Nnajiuphu, bu Kereshi Jizosu epha. Oo ya be bu onye meru; mu du ike eje ozi-a, mu eje-a. Mu etu iya epha; kele o lewaru enya huma le mu gbaru k'ophu ya e-gude ire mu eka; bya ahotu mu ge mu jeeru iya ozi ono. ¹³A makwaru-a le mu shi anoduje epfutoshi Jizosu Kereshi le mbulembu; shi anoduje achi nta iya; shikwapho anoduje eme iya iphe-iphere. Oke Chileke be phulekwaru mu-a obu-imemini; kele iphemiphe ono, mu shi eme ono be mu shi eme l'amagama. Mu te eshidu kwetawaa teke ono l'oo Jizosu bu Nnajiuphu. ¹⁴Tobudu iya bu; Nnajiuphu anyi ono, bu Jizosu Kereshi ono bya apharu mu obu-imemini ophu nyiberu gaatu onu iya. O mee mu: mu bya ekweta l'oo yebdua bu Nnajiuphu; mekwaa mu pho: mu bya eyee ndu ozo obu. Ono buru iphe, oomejeru iphe, bukpoonu ephe l'iya tugbaru buru nanu. ¹⁵Owa-a bu opfu, gbaru g'e gude iya eka; teme o du ree g'oniyemonye gbobe eka nata iya okpobe anata. Le Kereshi Jizosu byaru le mgboko-a ge ya bya adzoonu eme iphe-eji. O buru mbedua be eme iphe-eji obu shi wukoru. ¹⁶Noo g'o gude Jizosu Kereshi pharu mbedua obu-imemini bya emee g'o buru l'ehu mu be ya e-shi goshi ndu ozo ge ya atabeje nshi shii. Oo ya bu le Jizosu Kereshi be gude ehhu mu egoshi ndu ozo le ya a-gbenu dzoo phe; nu phe ndzu ojejoje; o betakporu iphe-eji phe du idagha; me o -buru l'ephe kwetaru nkiya. ¹⁷Su-a; gube Chileke ono, bu eze ojejoje; bya aburu onye ta anwuhujedu anwuhu; bya aburu onye ata humajedu l'enya; bya aburu ngu bu Chileke, maru iphe kpoloko; g'a kwabe ngu ubvu; jaa ngu ajaja; jasu le tuutuutu le mimimii. Nokwa g'o du bu ono-o.

¹⁸Su-a; nwa mu Timoti; mu anma okwa-a eye ngu l'eka. Ge mu gude iya nyataru ngu iphe, ono ndu mpfuchiru Chileke pfuru l'opfu ehhu ngu ono; k'ophu ii-gude iya l'wua ogu ehhu Chileke ono. ¹⁹Kwekpekwaphe ke Kereshi; g'iphemiphe, iime bujeekwarupho iphe, obu ngu marwataru l'oo iphe, gbaru iya l'ememe. O nwekwaru ndu machacharu-a iphe, gbaru phe l'ememe, obu phe suru g'ephe mee; ophu ephe emejedu iya. O buru iphe ono meru g'o gude ekwekwe, ephe kweru ke Kereshi rikashihu erikashihu g'ugbo-mini, jeru asua onwiya l'akpaa. ²⁰Ndu haru yiru le ndu ono be

bù Hayimeniyòsù waa Alẹguzanda. Ndu ono bẹ mu woakwaru ye Nsetanu l'ẹka g'ò nà phẹ aphù k'òphu ẹphe a-nwùtakwanu l'ò tọ dudu ree mbù epfùtòshì Chileke.

Abarù Chileke ẹja lẹ Chìochì

2 ¹Iphe mbù, mu epfu epfushi ike bù; g'e pfujeru nù Chileke sù iya g'ò gbaarù ndiphe mkpu; l'ò meeru phẹ iphe, mkpa iya dùru phẹ. L'a rwojekwa iya phò arwòrwo ẹhu onyemonye; ekelejekwa iya phò ekele. ²G'e pfujeru nù Chileke l'iswi ẹhu ndu eze; mẹwaro iphe, bukpoò ndu bù ndu-ishi. Oo ya bù k'òphu nchì a-dù anyi doo; anyi eburu l'ẹhu-guu; anyi a-nòdu anùru Chileke opfu; mẹkwapho k'òphu anyi a-nòduje eme umere, gbaru anyi l'iphemiphe, anyi eme. ³Sù-a; nokwa iphe, dù ree bù onoya. Tẹme ọ bukwaru iya phò bù iphe, dù Chileke ree; mbù Chileke ono, bù Onye-Ndzòta anyi ono. ⁴Ọ dù Chileke l'uche gẹ ya tũko iphe, bukpoò nemadzù l'ophu dzoo. Ọ dukwa iya phò g'a sù l'iphe, bù nemadzù g'a ha byakotaru bya amaru iphe ono, bù ọkpobe-opfu onoya. ⁵Noo kẹle ọo Chileke lanù bẹ dù nù kpoloko; ọ bukwarupho onye lanù kpoloko bẹ bù onye apfujeru lẹ mgbaka Chileke yee nemadzù. Onye ono bù iya bù Kéreshi Jizòsù, bukwapo nemadzù l'onwiya. ⁶Onye woru onwiya nù g'e gude ndzù iya gbata ọha l'ophu; agba ekebe iya l'orwuberu iya. ⁷Noo g'ò gude ọ họtà mu mee mu gẹ mu buru onye-ozì-ọma; buru onye-ishi-ozì ono; k'òphu mu e-gude ozì-ọma ono je araa arara l'alì ndu abudu ndu Jiu; k'òphu ẹphe e-kwetakota ọkpobe-opfu ono. Mbù; ọ kwa ọkpobe-opfu bẹ mu nọ l'ẹka Kéreshi epfu ono. Mu ta adzùkwa ọka.

⁸Sù-a; iphe, dù mu ree bù g'unwoke pfujekwa nù Chileke l'iphe, bukpoò ẹkameka. G'ẹphe chilije ẹka phẹ gude obu ìphóró epfu anù Chileke. G'ẹhu te eghujekwa phẹ eghu; ọphu ẹphe abojekwa obu ẹbo m'ẹphe nòdu epfu anù Chileke.

⁹A bya abya l'unwanyi; iphe, dù mu ree bù gẹ nwanỳi rìje ọriri maru ẹgube uwe, ooye l'ẹhu. Gẹ nwanỳi yeje uwe gbaru iya nù. G'iphe, ẹphe e-gudeje eme omemma buru iphe, egoshi l'ẹphe doberu onwophẹ ọrù bya esedeje onwophẹ. G'ò tọ bukwa eme ẹgbushi g'ò buru iya bù ẹka ẹnya a-nòdu eje. G'unwanyi te egudejekwa mkpòla-ododo yee aka eme omemma. Ophu ẹphe eyejekwa uwe erenùka ire gude akwa onwophẹ ngwa. ¹⁰Iphe, unwanyi emejechia bù g'ẹphe meje iphe-ọma, bukwanu iya bù iphe, gbaru unwanyi, sùru lẹ Chileke dùru phẹ lẹ nsò l'ememe. ¹¹G'unwanyi wozejekwa onwophẹ alì ọkpobe ewoze; nòduje nwa nggujungguji; nwùje iphe, eezi phẹ. ¹²Mu te ekwekwa g'unwanyi zije iphe. Ophu mu ekwedu g'ò dùru nwanỳi, anòdu atùru unwoke iphe, ẹphe a-nòdu eme. G'unwanyi jipyajẹpho onwophẹ nwadoo. ¹³L'ò kwa Ádamu bẹ Chileke vuru ọzo mee tẹme o meje Ivu. ¹⁴Ophu ọ bukwa Ádamu bẹ Nsetanu ghòru ọgho; ọ kwa nwanỳi bẹ ọ ghòru iya; mee ya o mebyia ekemu, Chileke

turu. ¹⁵Ọle iphe, Chileke l'e-gude dzọo nwanị bụ anwūshi ụnwu; mę ọ bụkpowaru l'ọ nọ-shiru ike l'ekwekwe, o kweru kę Kéreshi; bya eyee ndu ọzo obu; bụru onye kę Chileke ọkpobe abụbu; bya edobe onwiya ọrù.

Ndu-ishi ndu Chìochi

3 ¹Iphe ono, e pfuru ono bụkwa ọkpobe-opfu: “Ọ -buru l'ọ duru onye ọnya dụ g'ọ bụru onye-ishi Chìochi; onye ono bụkwa ọkpobe iphe bę agụ iya nu.” ²Onye-ishi Chìochi bụfutajekwa onye ụta adudu lę ndzu iya; onye alu nwanị lanu; bụkwarupho onye esedeje onwiya; bụru onye nweru uche; onye umere iya dụ ree; onye ooheje ihee akwa ẹbyaa; l'ọ bụkwarupho onye aduje ike ezi ndu ọzo iphe. ³G'onye ono ta abụkwaru onye anguje męe g'ọ tsụ iya atsutsu; ọphu onye ono abụkwaru onye eme ẹhuka. G'ọ tọ bụkwaru onye eme ụghoro. G'onye ono buchiaru onye atajeru iphe nshi; onye ta aswojedu ụswo; l'ọ bụru onye te eyeduru ọnya l'okpoga. ⁴G'onye ono bụkwaru onye duru ike leta ibe iya ọnya ree; onye ụnwegirima ibe iya anuru opfu bya akwabę ụbvù. ⁵Lę teke ọ bụ lę nemadzu ta adudu ike bụru onye-ishi l'ibe iya; ?denuhunu g'onye ọbu e-me dụ ike bụru onye-ishi Chìochi kę Chileke? ⁶G'onye ono ta abụkwaru onye teke adudu iphe, ọ mawaru lę kę Chileke; k'ọphu onye ọbu ata watadu etse etsetse; eshi ẹgube ono Chileke anmaa ya ikpe g'ọ nmaru Obutuswe. ⁷Onye ono aburu onye ndu abudu ndu Chìochi epfu l'oomere; ọo ya bụ g'ọ tọ dukwanu onye a-sụ l'ọ phụu iphe, onye-ishi Chìochi meru; a -nonyaa Obutuswe gude ẹgube iphe ono nmata onye-ishi onoya l'ọnyà.

Ndu ejeru Chìochi ozi

⁸Nokwapho gę ndu ejeru Chìochi ozi bụfutaje ndu eeyeru ụbvù. Ẹphe taa bụduru ndu ntuphu-ire; ọphu ẹphe abuduru ndu ngunukaru męe; ọphu ẹphe abuduru ndu anọduje achọ urwu l'uzo adudu ree. ⁹Ẹphe e-gude obu phę g'ọ ha gudepyabę ọkpobe-opfu ono, Chileke goshiru anyi ono; g'obu ta awajękwa phę mini. ¹⁰G'e vujeadakwaru ụzo hụadaa ndu ọbu ama; teke a hụchaaru phę ama; ọphu ọ dudu ẹka ọnu aboru phę ẹbo; tẹmanu e yewa phę rọ g'ephę jejeru Chìochi ozi. ¹¹Nokwapho gę unyomu phę bụfutaje ndu eeyeru ụbvù; ndu ta asudu asulasu; ndu aduje ike sede onwophe; ẹphe aburu ndu e gude ire phę ẹka l'iphemiphe. ¹²G'onye ejeru Chìochi ozi bụkwaru nwanị lanu kpoloko bę ọo-nodu alu. L'ọ bụru onye duru ike eleta ụnwu iya ọnya rengu-rengu; eletakwapho ibe iya ọnya ree. ¹³Noo lę teke ọ bụ lę ndu ejeru Chìochi ozi bę ejerwe iya ejerwe bę ọ gbakwaru kę g'a kwabeje phę ụbvù, ha shii. Ẹphe adujekwanu ike shihu obu ike asa iphe ono, anyi kweru ono kpa kpa; mbu iphe ono, anyi nọ Kéreshi l'ẹka kweta ono.

Iphe, Chileke shi domia edomi

¹⁴Ẹkwo-ozia bę mu ede anu ngu; ọle ọ tọ dukwa gę mu anọ-beru nta-a mu abyapfuta ngu; ¹⁵k'ọphu bụ; mu -nọahaa ọdu abyabya l'ịi-maru

g'i-gudeje eme umere l'ulo Chileke ono, bu iya bu Chiochi ke Chileke ophu dzu ndzu; bya aburu itso yee okpa-ulo k'okpobe-opfu onoya. ¹⁶A tukoru kwetakota l'okpobe-opfu ono, Chileke shi domia edomi onoya pfubekpooru paa aka mebyi apaa. Chileke goshiru iya anyi; anyi kwetakwa iya pho. Okpobe-opfu obu be pfuru su:

Jizosu be byaru le mgboko-a

bya aburu nemadzu.

Unme Chileke goshi

lo bu

onye pfuberekoto.

Unwu-ojozi-imigwe

gudekwapho enya

phe huma iya.

E pfukotaru ohamoha,

no le mgboko opfu

ehu iya.

Ndiphe kweta nkiya;

Chileke bya ekuta iya

kuba l'imigwe

je akwabé iya ubvu,

ka l'ubvu.

Ndu ejo-nzi

4 ¹Unme Chileke be pfuru iya anyi enwu iya anyi enwunwu le nchi su l'e-mechaa nweru ndu e-dochi ekweta onoya wata anga nchi l'iphe, ndu obu alokpurukpuru epfu; wata etso iphe, obu ono ezi. ²Gude opfu tuko-lehu-atuko-l'obu aduzhi aka; ndu e gudewaa oku mpurukpu-igwe huchishia egomunggo. ³Ephe anoduje ezi g'a ta alujeshi nwanyi; ophu erijeshi egube nri owa-a ozo ophu; mbu nri, Chileke meru ge ndu kweru nkiya bya amaru okpobe-opfu ono rije eriri. ⁴Iphemiphe, bukpo iphe, Chileke meru be dukotakwa ree. O to dukwa ophu gbaru ke g'a jikaje iya me e kelewaa Chileke ekele iya. ⁵Noo kele opfu Chileke yee epfufu, e pfuru nu Chileke onoya be mewaru iphe onoya o du nsu l'iphu Chileke.

Onye ejeru Kereshi Jizosu ozi okpobe ejeje

⁶O -buru li woru iphe, bu okwa-a, a nmakotaru ngu-a go ha nmakotaru iphe, bu unwunna gephe hakota be bukwa iya bu li bu onye ejeru Kereshi ozi eje iya okpobe ejeje. Oo ya bu l'iigoshi loo opfu Chileke ono, i kwetaru me okpobe iphe ono, e ziru ngu ono, i shiepho k'eshinu ono tsota ono be bu nri, i gude azu onwongu. ⁷Ta angabejekwa nchi le mppokoro ako-iphé unwanyi ogerenya, bu ako adudu iphe, bu okpobe-opfu, du iya

nụ ililekpọo. Iphe, ii-mechia bụ g'ị hùje onwongu ahùhù; g'iigude nno nọdu ndzụ, dū Chileke ree. ⁸Kele ahùhù ọphu aahù ogwehu bẹ urwu, dū iya nū hakwa nwanshii; obenu l'ọphu urwu gbaru mgburugburu bụ lẹ nmadzụ anuru Chileke opfu. Noo kele Chileke kweru ukwe lẹ ndu eme nno bẹ ya e-meru eze-iphe-oma lẹ ndzụ ọphu ephe nọ nta-a; bya emeeru pẹ iya lẹ ndzụ ọphu ephe a-nọdu l'oduliphu. ⁹Opfu-a bẹ bụ opfu, e gude ẹka; mbụ opfu gbaru g'onnyemonye machia ẹka labọ nata iya. ¹⁰Ọo iphe ono meru g'o gude anyi nọdu anọduje eseshi akanya iya ike; eje iphe-ẹhuka. Kele anyi kpọru obu yeru Chileke, nọ ndzụ; mbụ Chileke ọphu bụ Onye-Ndzọta ndiphe l'ọphu; kelekele kẹ ndu kweru nkiya.

¹¹Pfuaru pẹ iphe onoya pfushiaru pẹ iya ike; l'iizikwaa pẹ iya phọ ezizi. ¹²Te ekwekwa g'ọ dūru onye a-nọdu eko ngu ọkpa l'ishi opfu l'ị bụ nwata. Iphe, ii-mechia bụ g'ị bụru iphe-leta-mee l'opfu ọnu; mẹ abọ ụja; mẹ lẹ n-yemobu; mẹ l'ekweta kẹ Chileke; mẹ l'adubebe ree. ¹³Iphe, iino-dukpoephe emeje jasụ mu abya bukwa: g'ị gujeru Chiochi ẹkwo-opfu Chileke; l'i meje g'obu shihu pẹ ike; l'ị tọwashijekwaru pẹ phọ opfu Chileke g'o doo pẹ ọnya. ¹⁴Ta akwaswekwaru ọnya l'iphe-oma ono, Chileke meru ngu teke ono, ndu mpfuchiru Chileke gude ike, Chileke nuru pẹ pfuchiaru iya ono; mbụ teke ono, ndu e meru ọgerenya Chiochi byaberu ngu ẹka l'ishi ono. ¹⁵Kebekpọephe ẹhu meje iphe ono; phube iphu me iya ree; k'ọphu onnyemonye la-huma g'ị gude ejekpọlepho l'iphu l'iphu. ¹⁶Kwabekwarupho umere ngu ọnya; l'ị kwabekwarupho ọnya l'iphe ono, iizi ndu ọzo ono. Mejeekwapho iphemiphe ono; kele i -nọdu emewaa ẹgube ono; l'ị dzọo onwongu ndzụ; dzọo ndu anọduje anụ iphe, iipfu.

5 ¹Ta abajekwaru nwoke, ka ngu aburu ọgerenya mba; tojechikwa nwehu pfuru yeru iya g'ọ bụ iya bụ nna ngu. Li mejeru unwoke, ka aburu nwata gẹ gụ l'ephe bụ unwune. ²Unwanyi ka aburu ọgerenya bẹ ii-meje g'ephe bụ ne ngu. Liimejekwarupho unwanyi, ka ngu aburu nwata gẹ gụ l'ephe bụ unwune. Te emerwushikwa onwongu l'ehu pẹ.

Unwanyi, ji pẹ anọedu

³Kwabejekwa unwanyi, ji pẹ anọedu ùbvù; mbụ ndu ọphu adudu g'ọ dū pẹ ililekpọo. ⁴Teke ọ bụ lẹ nwanyi, ji iya anọedu nweru unwegirima; ọzoo unwu nwa-nwa; g'unwegirima ono nwuta l'ọo ephebedua evukpọadaru ọzo leta ndu unuphu pẹ ọnya; l'ọ nokwa iphe, gbaru ndu kẹ Chileke bụ ono. Ọo ya bụ; g'ephe eshi nno melataru ndu nwuru pẹ nū ree, ephe meru pẹ. Ọ kwa iphe ono bụ iphe, dū ree l'iphu Chileke. ⁵Ọle gẹ nwanyi, ji iya anọedu; ẹbe ọ dudu g'ọ dū iya ililekpọo; ọphu ọ tọ dudu onye eleta iya ọnya; bukwaru Chileke bẹ ọo-nọdu ele ọnya l'ẹka. G'ọ tọ tū-gbejekwa ẹka l'anọdu epfu anụ Chileke eswe l'enyashi. Iphe, ọonoduje epfuru Chileke bụ g'ọ kwọo ya lẹ mkpa. ⁶Nwanyi, ji iya anọedu ọphu anọdujeepho eme iphe, bataru iya l'obu bẹ nwuhwakwaru anwuhu; l'ẹka ọ nọ ndzụ.

7Noo iphe, ii-pfuru phẹ bụ onoya; mbụ pfua ya kwata pfushiaru phẹ iya ike; k'ophu ẹphe a-nọdu eme umere, gbaru phẹ nū. Ọo ya bụ; g'ọ tọ dū iphe, aa-ta phẹ ụta iya. 8Ọ -būru l'o nweru onye harū ndu ẹphe l'iya bụ; ọphu ooletadu phẹ ẹnya; kekeleke ndu ọphu bụ ndibe phẹ gẹdegede; onye ono bụkwa iphe, oogoshi bụ lẹ ya te ekwedu kẹ Kéreshi; mbụ l'onye te ekwedu kẹ Kéreshi bẹ gbẹkwa ka iya nū mma.

9G'e te edejekwa ẹpha nwanyi, ji iya anọedu l'ẹkwo; mbụ onye ọphu teke anọ-rwudu ụkporo apha ẹto lẹ mgboko; gbahaẹpho onye bụ nwoke lanū kpoloko bẹ ọ lujeru; 10waa nwanyi, aatu-dzuru ọnu iya; l'oome ree shii. G'ọ bụkwaru nwanyi, hefutaru ụnwu iya ree; bụru onye akwajẹ ẹbyaa ree; bụru nwanyi, gudewaa mini kwọo ndu-nso ọkpa; bya aburu nwanyi, yewaru ndu eje iphe-ẹhuka ẹka; bụkwarupho onye wowaru onwiya yekota l'eme iphe-oma mgburugburu kpọo.

11Jikajekwa ede ẹpha nwanyi, ji iya anọedu, bụkwadu nwẹpa. Noo kẹle ọobujeru teke ẹgu nwoke gūtaeru phẹ phọ; ẹphe aghaarū Kéreshi azu wata achọ g'ẹphe e-me je aluru ji ọzo. 12Ẹphe -mewa iya nno bụkwa iya bụ lẹ Chileke a-nma phẹ ikpe l'ẹphe te emeedu iphe ono, ẹphe kweru Kéreshi ukwe ememe onoya. 13Teme ọzo bụru l'ẹphe a-wata eme ẹnyiru; tsoru ekpuphe l'ulo l'ulo edophe gwerigwerigweri; bụru o-jeru-opfu, 'e kuduru iya; epfugbaa iphe, agbakpodaaru phẹ l'epfupfu. 14Nokwa g'ọ gude mu sụ gẹ nwanyi, ji iya anọedu, bụkwadu nwẹpa je aluru ji ọzo; nwushia ụnwegirima; leta ụlo iya ẹnya. Ọo ya bụ; g'onye ọhogu anyi ono te enwe iphe, ọo-huma anyi l'ẹhu gude epfubyishi anyi. 15Lo nwekwaru ndu ọphu hawarunu Kéreshi wata etso Nsetanu. 16Ọo ya bụ; ọ -duru nwoke ọzo nwanyi kweru kẹ Kéreshi, nweru abubu, ji iya anọedu ndzu; g'onye ọbu letakwa abubu iya ono ẹnya. G'onye ono ta apakwaru mkpa ẹhu nwanyi ono bya ebo Chiochi. G'ọ bụkwarupho ndu ọphu ji phẹ anọedu; ẹbe ẹphe amadu g'ẹphe e-me onwophẹ bẹ Chiochi a-nọduje eleta ẹnya.

Ndu e meru ọgerenya Chiochi

17Iphe, gbaru g'e meje iya bụ g'a kwabeje ndu e meru ọgerenya Chiochi ụbvù ọkpobe akwabe; mbụkwa ndu ọphu l'ejeru Chiochi ozi ree; kekeleke kẹ ndu ono, kukeberu ẹhu asa opfu Chileke asasa; ezikwa iya phọ ezizi ono. 18Noo kẹle e deru iya l'ẹkwo-opfu Chileke sụ: “Te ekechijekwa eswi ọnu mẹ ọ -nọdu azọshiru ngu ereshi.” Bya asukwapho: “Onye akanya gbaru k'anata ụgwo akanya iya.” 19Ọ -būru l'o nweru onye sūru l'onye e meru ọgerenya Chiochi bẹ meru ẹji; te eyekwaru onye ọbu ọnu; a -gufukwa l'a dū ẹbo; ọzoo ẹto gbaa ya ekebe iphe ọbu l'o meru iya eviya. 20Ndu ọphu, bụ ndu eme ẹji bẹ ịi-bajeru mba l'edzudzu-ọha. Ọo ya bụ gẹ ndu ọphunapho atsuhukwanu ebvu.

21Mu nọkwa l'iphu Chileke; mẹ l'iphu Nnajiuphu, bụ Jizosu Kéreshi yẹ l'iphu ụnwu-ọjozi-imigwe ono, ọ họtaru ono epfushiru ngu iya ike

sù g'i mejekwa iphemiphe-a, mu epfuru ngu-a g'ò ha; g'ò tò dukwa ophu ii-mephodoje. Ophu o dukwa iphe, ii-leje nemadzù ɛnya l'iphu eme. ²²Rije-odakwa ɔriri; tɛme l'i byabɛ nemadzù eka l'ishi. G'ɛka ngu ta adujekwa l'iphe-ɛji, ndu ɔzo eme. Dobeɛkwapho onwongu ɔrù. ²³O tò buɛkwapho mini kpoloko bu iphe, ɛi-nguje. Ngutajekwa mɛɛ nwanshii m'ɔbvu epho ngu ono; mɛ ɛhu ba adu ike ngu onoya, bu iphe ono anɔduje eme ngu tekenteke onoya.

²⁴O nweru ndu ɛjo-iphe, ɛphe eme dabyiru ɛba; mbu o gbɛkwanu du g'ò bu l'iphe-ɛji, ɛphe eme bɛ vuwaa phɛ ɔzo eje gɛ Chileke nmaa phɛ ikpe. O nwekwarupho ndu ophu nkephɛ akpɔadaa ɔpfu tɛme l'ò ɔ-lishi-hu. ²⁵Nokwapho g'eme ree du. O nweru ree, nemadzù e-me l'ò buru ree, a tukuru ele l'ɛnya. Teke o bu l'o nweru ree, e meru; ophu a humaduru iya nta; a -nɔnyakwapho bɛ ɔo-tukokwaa ɔ-lishihukɔta.

Ndu bu ohu

6 ¹G'iphe, bu ndu bu ohu guje nnajiuphu, nwe phɛ nu lɛ ndu gbaru g'a kwabeje phɛ ɔbvu; k'ophu e tee wotadu ɛpha Chileke yɛɛ iphe ono, anyi ezi ono epfubyishi epfubyishi. ²G'ohu, ndu ophu nnajiuphu phɛ bu kɛ Kɛreshi; te ekojekwa phɛ ɔkpa l'ishi; kɛle ɛphe bu ɔnwunna. G'ɛphe gbɛjɛchikwa kabakpoo phɛ ro ejeshiru ozi ike; eshinu onye ono, nweru ohu ono kweru kɛ Kɛreshi; buru onye du Chileke l'obu tɛme o nɔdu anɔduje emeru ohu iya ree gude ebu iya nggo ozi ono, oojeshiru iya ike ono. Noo iphe, ɛi-nɔduje ezi ezizi; anma ɔkwa iya anmashia iya ike.

Ejo nzi waa ɔkpobe ɛku

³Sù-a; teke o bu l'o nweru onye ɔzo, byaru awata ezi iphe, gbaru iche; ophu iphe, ooozi adagbaduru l'ɔkpobe-opfu ono, bu opfu kɛ Nnajiuphu anyi, bu Jizosu Kɛreshi ono; onye ɔbu jikafua iphe ono, anyi ziru lɛ kɛ g'ee-shije etso Chileke ono; ⁴onye ono ekukwa onwiya ekuku l'ɛbe adu iphe, o maru. Iphe, yɛle onye ono eme bukwa ntumego; yɛɛ abaphe mba l'opfu, enwedu ishi; opfu buɛpho eme gɛ nemadzù nwejeru nwibe iya ɛnya-pfurupfuru; adzo-phɛ ɛnya; epfubyishi nwibe phɛ; yɛɛ anɔdu elephe nwibe phɛ ɛjo ɛnya; ⁵mɛ aloru opfu chie lɛ mgbaka nwibe phɛ. Ndu ono bu ndu egomunggo phɛ dahɔwaru adzulakpa; bya abukwarupho ndu ta amadu ɔkpobe-opfu ono. ɛphe anɔduje arɛ l'anuru Chileke opfu bu ɔzo, ɛphe e-shi rita urwu. Kpajeru ɛgube ndu ono l'aphara.

⁶Obenu l'anuru Chileke opfu; yɛle iphe-ephuru-l'ɛnya bukwa urwu, paru ɛka apaa. ⁷L'ò tò dukwa iphe, anyi gude bya mgboko-a; nokwapho g'ò tò dudu iphe, anyi e-gude eshi lɛ mgboko ala. ⁸Òo ya bu; anyi -nwewaru nri bya enweru uwe; g'ono phujeru anyi l'ɛnya. ⁹Obenu lɛ ndu anɔduje achɔ g'ee-shi g'ɛphe kpa ɛku bɛ ɛjo-iphe ono, ɛphe anɔduje achɔ ono enwujeru ye l'eme iphe-ɛji. O buru iphe ono abujeru

ónyà nmata p̄hẹ. Ikpoto iphe, aḡu p̄hẹ n̄ t̄ukokpoerupho b̄uru iphemman̄; t̄eme ọ b̄uru iya ah̄uje p̄hẹ ọnu l'ok̄u; t̄eme ọ n̄odu al̄otaje p̄hẹ l̄o-mia l'ẹka ẹp̄he a-n̄odu mebyishihu; lak̄ota l'iswi. ¹⁰Ọ kwa eye ẹnya l'okpoga b̄u ọgbarabvu iphemiphe, b̄u ẹjo-iphe. O yekwar̄u ndu b̄u opfu l'ọo l'ẹp̄he ach̄o okpoga b̄e o gude ẹp̄he shiswee ụzo; par̄u ekwekwe, ẹp̄he kweru k̄e Kéreshi par̄u haa. Ọ b̄ukwaru iya p̄h̄o meru g'o gude ẹp̄he shi ẹgube ono gude ẹka p̄hẹ kpatar̄u onwoph̄e iphe-ẹhuka, d̄u igwerigwe.

Iphe Timoti e-meje

¹¹Ọle-a; ḡubedua, b̄u onye k̄e Chileke-a; gbalakwaaru ẹgube iphe ono g'ọ ha; kukebe ẹhu b̄uru onye p̄f̄uberekoto; akwab̄e Chileke ùbv̄ù; nweru ekweta; ȳe n-yemobu; m̄e nshirima; ȳe eme odoo. ¹²Gude ekweta lw̄ua ọgu ono lw̄uta ndz̄u ojejoje, b̄u iphe, e kuru ngu oku iya ono; t̄eme i p̄f̄uru l'edzudzu ọha gbua ya tororo s̄u l'i kwewaru k̄e Kéreshi ono. ¹³Ọo l'ip̄hu Chileke ono, b̄u Chileke ọphu an̄uje iphemiphe ndz̄u; waa l'ip̄hu Kéreshi ono, p̄f̄uru l'ip̄hu Paȳileti gbaaru ọkpobe-opfu ono ekebe ono; ọo l'ip̄hu p̄h̄e b̄e mu n̄o epfu iya epfushiru ngu iya ike s̄u ngu: ¹⁴g'i t̄ukojeekwapho ọkwa ọkwa-a, mu anmaru ngu g'ọ ha-a tsok̄otaje. G'ọ t̄o d̄ukwa ẹka ii-tsoswe iya m̄e ẹka lan̄; ọo ya b̄u g'ọ t̄o d̄ukwanu ẹka aa-ta ngu ụta jeye teke Nnajiuphu anyi, b̄u Jiz̄osu Kéreshi a-bya ọzo. ¹⁵O -rwuep̄ho b̄e Chileke e-me-a g'a h̄uma-dzuru Kéreshi ọbu; mb̄u onye ono, d̄ukota ree; bya edzukōta oke l'ime onwiya; b̄uru Eze ndu eze; bya ab̄uru Nnajiuphu ndu b̄u nnajiuphu. ¹⁶Ọo ya kpoloko k̄peekpu b̄u onye ta abyad̄u anw̄uhu anw̄uhu. Ẹka o bu b̄e ìph̄óró, d̄u iya n̄u te ekwejedu ḡe nemadz̄u zakube iya ntse. Ọ t̄o d̄ukwa nemadz̄u igbakoroshienyi gudejewaa ẹnya h̄uma iya; ọphu ọ d̄ukwa onye byaru ah̄uma iya n̄u. G'ọ b̄uru iya b̄e ndiphe a-kwab̄eje ùbv̄ù; ike ono, te enwed̄u abv̄ubvu ono ab̄uru nkiya. Nokwa g'ọ d̄u-o!

¹⁷A bya l̄e k̄e ndu nweru iphe l̄e mgboko-a; kar̄u p̄h̄e g'ẹp̄he te egudejekwa iya ku onwoph̄e; ọphu ẹp̄he edobekwa obu l'iphe ono, ad̄udu g'ọo-n̄o-beru onoya. G'ẹp̄he dobechia obu p̄h̄e l̄e Chileke ono, b̄u omeluko onoya. Chileke ono an̄ukotaje anyi iphemiphe; n̄u iya anyi k'anyinyi g'oom̄e g'ẹhu ts̄omahu anyi. ¹⁸Ḡe ndu nweru iphe meje iphe, d̄u ree; mb̄u-a; g'ẹp̄he mejekp̄oo iphe, d̄u ree tekenteke; g'ẹp̄he b̄uru omeluko; l'ọ guje p̄h̄e ẹgu g'ẹp̄he l̄e ndu ọzo gbar̄u mgba l'iphe p̄h̄e. ¹⁹Ọo ẹp̄he -n̄odu eme nno l'ọ b̄uru iya b̄u l'ẹp̄he nweru ọkpobe iphe. Noo l'ẹp̄he e-shi ẹgube ono kpata ọkpobe iphe k̄uberu onwoph̄e; mb̄u ọkpobe iphe ọphu a-n̄oduwaru p̄h̄e r̄o jeyewar̄uro l'uzo ip̄hu. Ọo ya b̄u; o -rwuep̄ho; g'ẹp̄he anata ndz̄u ono, b̄u ọkpobe ndz̄u ono. ²⁰S̄u-a; jiko Timoti; kwab̄eekwarupho iphe ono, e yeru ngu l'ẹka ono ẹnya.

G'i letaję ęnya g'i ti nõdu epfuphe mkpọkoro opfu, bụ iphe eswe; ọphu ì nõdukwa atụ-phe mkpọkoro ęgo, ndiphe ahajęru sụ l'ọ bụ mmami-phe. ²¹O nweru ndu anọduje arị l'ęphe maru iphe; ęphe egude nno phua ụzo ekwekwe ono, anyi kweru ono. Gę Chileke meeru unu eze-iphe-ọma. Nokwa g'ọ dụ.